

疆

邨

叢

書



屏山詞目錄

驀山溪

南歌子

滿庭芳

屏山詞

崇安 劉子翬 彥冲

驀山溪 寄寶學

浮煙冷雨今日還重九秋去又秋來但黃花年年如舊
平臺戲馬無處問英雄茅舍底竹籬東佇立時搔首
客來何有草草三杯酒一醉萬緣空莫貪伊金印如斗
病翁老矣誰共賦歸來芟壠麥網溪魚未落他人後
滿庭芳

和明仲木犀花詞

秋入微陰涼生平遠小山愁絕天南似聞還斷飛策徧
千巖葉底輕黃纂纂惱人是微烈芳緘翛然勝清眞冷
淡無豔寄塵凡 澄潭敲兩岸波光搖動碧影相參任

西風十里吹度松杉我自寒灰槁木口神處不覺醺酣
歸來晚飛花無迹明月滿空函

南歌子和章潮州二首

卜夜容三獻微懽極一時風流太守未龐眉放出筆頭
光燄壓金閨藻麗花駢蕊清高雪亞枝曼聲恰與貫
珠宜聽此直教拚得醉翻卮

又

伎倆無多子逍遙自許時間愁且莫著雙眉恰有梅香
一點到幽閨寵辱棋翻局光陰鳥度枝頽然徑醉是
便宜擬倩潭風吹綠漲瑤卮

浮山詩餘目錄

憶王孫

點絳脣

浣溪沙

四

菩薩蠻

好事近

七

憶秦娥

畫堂春

大聖樂令

浪淘沙

三

鷓鴣天

驀山溪

水調歌頭

芰荷香

八聲甘州

念奴嬌

三

瑞鶴仙

水調歌頭

念奴嬌

Blank page with vertical ruling lines.

浮山詩餘

江都 仲 并 彌性

憶王孫秋閨

庭梧葉密未驚秋風雨瀟瀟特地愁
愁緒如絲無盡頭
思悠悠悵望王孫空倚樓

點絳脣贈外孫猷

秀出羣兒柳眉濯濯春庭院不親歌扇
弄筆勤書篆
翁已無能老退慙頰面欣同宴坐來喜見痛飲驚無算
浣溪沙春閨卽事

淡蕩春光寒食天
玉鑪沈水燭殘煙
夢回繡枕隱花鈿
海燕未來人鬪草
江梅初過柳生緜
黃昏疏雨濕鞦韆

韞

又示孟氏女

舉案家風未肯低
清心端自秀深闈
芝蘭玉樹寧馨兒
蚤歲安禪靈照女
靜中經卷手常攜
聲名要與斷機

齊

又

雅稱詩人美孟都
清新幽韻比來無
新來學得繡工夫
經卷但知從阿母
醉來翁已要人扶
尙能把殘勸屠

蘇

又和李達才韻

說似當年老季倫
君家雖富客常貧
何曾一笑任吾真

酒滿罷留天下士詞新空賦坐中春誰能絕筆更書

麟

菩薩蠻和趙有逸坐上韻

宛如姑射人冰雪知公不負佳風月莫放漏聲殘清風
生坐間賞春心未足翦盡尊前燭此樂自難忘一觴
還一觴

好事近宴客七首時留平江俾侍兒歌以侑觴

二陸起雲閒千載風流人物未似一門三鳳向層霄聯

翼貞元朝士苦無多公今未華髮重向紫宸朝路立

鵷鸞前列

右朱參議

又

今古滿胸中韜略一時人傑高臥溪山好處遲十年齊

鉞朱輜休傍武陵溪梅花記曾別蚤晚殿前歸侍總

周廬千列右劉鼎州

又

淮上五分符名在圖書東壁坐對書成多暇寫青箱千

帙一杯先爲祝東風丹詔來朝夕何處稱公揮翰定

北扉西掖右鄭直閣

又

闕闕盛中州冠冕共推華族耐久松筠交契更襟懷金

玉諸儒皆自愧廬前小試暫符竹行看世官入踐繼

西樞前躅右廬楚州

又

分手又三秋猶記花時歌別每念征帆歸晚誤五湖風

月

清江休望使君來指日趨天闕堦玉翁冰相映看

紫薇花發

右朱
臨江

又

襟韻絕纖塵炯炯夜光明月合是紫荷持橐侍丹墀清

切

暗香疏影想公家人與梅超絕酒罷帝城蚤去占

百花先發

右林
刪定

又

今雨幾人來冰霰更凝寒色門外車多長者頓光生蓬
蓽
繽紛飛雪更初梅特特爲留客惟恨坐無華饌只

平時真率

憶秦娥

木樨

隈巖側怪生小院香來別香來別嫩黃細細商量齊發
佳人斂笑貪先折重新爲翦斜斜葉斜斜葉釵頭常
帶一秋風月

畫堂春和秦少游韻

春波淺碧漲方池池臺深鎖煙霏緩歌爭勝蚤鶯啼客
忍輕歸合坐香凝宿霧墊巾梅插寒枝漸西蟾影漾
餘輝醉倒誰知

大聖樂令贈小妓

豆蔻梢頭春正蚤斂修眉未經重掃湖山清遠幾年牢

落風韻初好 慢綰垂螺最嬌小是誰家舞腰嫋嫋而
今莫謂春歸等閒分付芳草

浪淘沙贈妓

趁拍舞初筵柳嫋春煙街頭桃李莫爭妍家本鳳樓高
處住錦瑟華年 不用抹繁絃歌韻天然天教獨立百
花前但願人和天上月三五團圓

又

傾國與傾城嫋嫋盈盈歌喉巧作斷腸聲看盡風光花
不語卻是多情 家近董雙成三妙齊名誰教蜂蝶漫
經營留取無雙風味在真是瓊英

又卽事

草聖與詩餘清韻誰如生綃團扇倩誰書月湛素華天
似水深院涼初人散晚鐘疏後約還虛良宵忍放枕
鸞孤要得相逢除是夢有夢來無

鷓鴣天爲鮑子山侍妾燕燕作

小泊橫塘日欲斜一枝猶有未殘花幾年燕子無消息
今日飛來王謝家歌水調韻琵琶聲聲都是怨年華
欽頭杏子今如許翦燭裁詩莫問他

又贈外孫夔

閒世麒麟降自天光輝列宿燦初躔他年身致夔龍列
少日心存翰墨邊簪彩筆照金蓮詞華當使思如泉
未論聳壑昂霄事且與衰翁慰暮年

驀山溪有贈

冰清玉映自是閨房秀十里捲朱簾好紫陌家家未有
天然情素高壓一城春花豔麗月精神梅韻腰肢瘦
曲屏虛幌枉著鴛鴦繡不是不相逢淚空滴年年別袖
從他蘭菊秋露與春風終不似玉人人一片心長久
水調歌頭趙制置見招歸用東坡中秋韻以見微意
華棟一何麗移下小壺天幾多曲房新戶縹緲似當年
曾是使君風度元有胸中北壑六月竹風寒一洗箏笛
耳歌舞粲筵間坐中客醒復醉聽無眠已回歸夢猶
復嫋嫋記清圓尙想飲中仙子來處餘香飄坐勝韻此
雙全爲寄月華語難與並嬋娟

芰荷香 中秋在毘陵不見月作數語未成後一日來澄

江途中先寄趙智夫

醉凝眸正行雲遮斷澄練江頭皓月今宵何處不管中
秋朱闌倚徧又微雨催下危樓秋風空響更籌不將好
夢吹過南州浮遠軒窗異日到山空雲淨江遠天浮
別去客懷無賴準擬閒愁冰輪好在解隨我天際歸舟
何須舞袂歌喉一觴一詠談笑風流

八聲甘州 木樨和韻

正西山雨過弄晴景竹屋貫斜暉問誰將千斛霏瑛落
屑吹上花枝風外青鞋未熟鼻觀已先知撓損江南客
詩面難肥兩向林邊傾蓋笑化工開落尤甚兒嬉歎

額黃人去還是隔年期渺飛魂憑誰招取賴故人沈水
煮花蠶猶堪待嶺梅開後一戰雄雌

念奴嬌冬至夜作

灰飛嶰竹慶羣陰消盡新陽來復雲物呈祥連瑞靄煙
氣紛紛馥馥紫陌香衢朱檐影裏羅綺花成簇嶺梅驚
暖數枝爭綻寒玉有人嫋嫋盈盈今朝特地爲我新
妝束嬌倚銀牀添繡線長喜修眉舒綠不道多情錦屏
羅幌難得歡生足誰知今夜玉壺銀漏催促

又和耿時舉賦雪韻

江南春早尙餘寒門巷楊花飄逐一色初梅開盡也不
數芳園紅綠珍重騷人幽懷分寄高韻歌黃竹六花羞